

REGLUGERÐ FRAMKVÆMDASTJÓRNARINNAR (ESB) nr. 110/2011

2015/EES/46/22

frá 8. febrúar 2011

um framkvæmd á reglugerð Evrópuþingsins og ráðsins (EB) nr. 458/2007 um evrópskt kerfi samþættra hagskýrslna um félagslega vernd (ESSPROS) að því er varðar viðeigandi snið fyrir sendingu gagna, niðurstöður, sem senda á, og viðmiðanir fyrir mælingu á gæðum viðhengja um hreinar félagslegar bætur í evrópsku kerfi samþættra hagskýrslna um félagslega vernd (*)

FRAMKVÆMDASTJÓRN EVRÓPUSAMBANDSINS
HEFUR

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 458/2007 frá 25. apríl 2007 um evrópskt kerfi samþættra hagskýrslna um almannatryggingar (ESSPROS) ⁽¹⁾, einkum 2. mgr. 7. gr.,

og að teknu tilliti til eftirfarandi:

- 1) Með reglugerð (EB) nr. 458/2007 var komið á samræmdri aðferðafræði sem nota á við samantekt hagtalna á sambærilegum grunni til hagræðis fyrir Evrópusambandið og tímamörk fyrir sendingu og miðlun hagtalna sem teknar voru saman í samræmi við evrópskt kerfi samþættra hagskýrslna um félagslega vernd (hér á eftir nefnt „ESSPROS-kerfið“).
- 2) Breyta ætti, skv. 2. mgr. 7. gr. reglugerðar (EB) nr. 458/2007, framkvæmdarráðstöfunum sem varða snið gagnaskila, niðurstöðum sem senda skal og viðmiðunum til að mæla gæði viðhengis um hreinar félagslegar bætur.

3) Viðhengið um hreinar félagslegar bætur ætti að fást með því að nota „takmarkaða nálgun“ til að hafa sama þýði aðstoðarþega í vergum félagslegum bótum sem fengnar eru í grunnkerfi hins evrópska kerfis samþættra hagskýrslna um félagslega vernd (ESSPROS).

4) Ráðstafanirnar, sem kveðið er á um í þessari reglugerð, eru í samræmi við álit nefndarinnar um evrópska hagskýrslukerfið.

SAMÞYKKT REGLUGERÐ ÞESSA:

1. gr.

1. Sniðin fyrir sendingu gagna og niðurstöðurnar sem afhentar verða fyrir viðhengið um hreinar félagslegar bætur skulu vera eins og mælt er fyrir um í I. viðauka.

2. Viðmiðanirnar fyrir mælingu á gæðum gagna sem varða viðhengið um hreinar félagslegar bætur skulu vera eins og mælt er fyrir um í II. viðauka.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 8. febrúar 2011.

Fyrir hönd framkvæmdastjórnarinnar,

José Manuel BARROSO

forseti.

(*) Þessi ESB-gerð birtist í Stjtið. ESB L 34, 9.2.2011, bls. 29. Hennar var getið í ákvörðun sameiginlegu EES-nefndarinnar nr. 88/2011 frá 1. júlí 2011 um breytingu á XXI. viðauka (Hagskýrslugerð) við EES-samninginn, sjá *EES-viðbæti við Stjórnartíðindi Evrópusambandsins* nr. 54, 6.10.2011, s. 76.

(¹) Stjtið. ESB L 113, 30.4.2007, bls. 3.

*I. VIÐAUKI***Snið fyrir sendingu gagna sem varða viðhengið um hreinar félagslegar bætur og niðurstöður sem sendar verða****1. GÖGN SEM SEND VERÐA**

Senda skal gögn um hreinar félagslegar bætur (takmörkuð nálgun) í samræmi við sniðið sem framkvæmdastjórnin kveður á um.

Eftirfarandi eru breyturnar sem sendar verða:

1.1. Meðaltal sundurliðaðra skatthlutfalla (AITR) og meðaltal sundurliðaðra hlutfalla framlaga til félagslegra kerfa (AISCR), sundurliðuð samtímis með:

- ítarlegri flokkun á félagslegum bótum sem eru aðeins greiddar í peningum, eins og tilgreint er í I. viðauka við ESSPROS-handbókina,
- kerfunum sem skráð eru í töfluna „skrá yfir kerfi“ sem kveðið er á um í I. viðauka við reglugerð framkvæmdastjórnarinnar (EB) nr. 1322/2007 ⁽¹⁾.

1.2. Eftirstandandi skattalegar bætur (sem einungis verða veittar ef ekki er gerð grein fyrir þeim á beinan hátt í meðaltali sundurliðaðra skatthlutfalla og/eða meðaltali sundurliðaðra hlutfalla framlaga til félagslegra kerfa).

Eftirstandandi skattalegum bótum ætti að skipta niður í málaflokka með hliðsjón af skránni yfir áhættu og þarfir sem skilgreind er í b-lið 2. gr. reglugerðar (EB) nr. 4598/2007, á fyrsta stigi flokkunar.

Láta skal gögn um eftirstandandi skattalegar bætur í té í gjaldmiðli hvers ríkis.

1.3. Gögn um hreinar félagslegar bætur (takmörkuð nálgun), sundurliðuð samtímis með:

- ítarlegri flokkun á félagslegum bótum, eins og tilgreint er í I. viðauka við ESSPROS-handbókina,
- kerfunum sem skráð eru í töfluna „skrá yfir kerfi“ sem kveðið er á um í I. viðauka við reglugerð (EB) nr. 1322/2007, (einnig ætti að tilkynna um gögn á „stigi yfir öll kerfi“ sem eru jöfn summunnar af öllum kerfunum).

Hreinar félagslegar bætur ættu að fást með því að tengja vergar félagslegar bætur, sem kveðið er á um í I. viðauka við reglugerð (EB) nr. 1322/2007, við breyturnar sem skráðar eru í liðum 1.1. og 1.2.

2. UPPSLÁTTARHANDBÓK

Mælt er fyrir um hinar ítarlegu flokkanir og skilgreiningar, sem nota skal við beitingu þessarar reglugerðar, í ESSPROS-handbókinni sem framkvæmdastjórnin gerði í samvinnu við aðildarríkin.

⁽¹⁾ Stjtið. ESB L 294, 13.11.2007, bls. 5.

II. VIÐAUKI

A. VIÐMIÐANIR TIL AÐ META GÆÐI GAGNA SEM VARÐA VIÐHENGIÐ UM HREINAR FÉLAGSLEGAR BÆTUR

Árlegt gæðamat hreinna félagslegra bóta, í samræmi við 12. gr. reglugerðar Evrópuþingsins og ráðsins (EB) nr. 223/2009 ⁽¹⁾, gildir um eftirfarandi gæðaviðmiðanir: mikilvægi, áreiðanleika, tímanleika og stundvísi, aðgengi og skýrleika, samanburðarhæfi og samræmi.

B. UPPLÝSINGAR TIL SENDINGAR

Aðildarríki skulu láta í té upplýsingar varðandi:

1. **Tengilið**

1.1. Upplýsingar um þann sem tekur saman gögn.

2. **Nákvæmni**

2.1. Umfjöllun um gagnalindir: tegundir heimilda sem notaðar eru (skrár eða aðrar stjórnsýsluheimildir, kannanir, matsgerðir), upplýsingar um kerfi/hlutverk sem falla undir mismunandi tegundir heimilda, skýrslur um vandamál hvað varðar umfjöllun um gagnalindir sem leiða til mats á gögnum.

2.2. Aðferðafræði og forsendur sem notaðar eru við matsgerðir og þegar ófullnægjandi umfjöllun fer fram um gagnalindir:

- stjórnsýslugögn,
- könnun,
- reiknilíkön,
- annað (tilgreinið).

2.3. Endurskoðun hagtalna:

- breytingar á gagnalindum sem notaðar eru,
- breytingar á aðferðum og forsendum sem notaðar eru við mat á gögnum,
- endurskoðun gagna vegna viðurkenndra leiðréttinga (t.d. breytinga á þjóðhagsreikningum),
- endurskoðun gagna vegna tiltækileika lokahagskýrslna,
- endurskoðun gagna vegna gæðaeftirlits,
- lýsing á stefnu fyrir endurskoðun samþykkttra gagna.

3. **Sambærileiki**

3.1. Landfræðilegur sambærileiki:

- frávík frá öllum þáttum endanlegra gagna,
- frávík frá ESSPROS-aðferðafræðinni,
- upplýsingar um ástæður frávíks og aðferðir sem notaðar eru,
- mat á áhrifum þessara frávíka um sambærileika.

3.2. Sambærileiki mismunandi tímabila:

- lýsing á samsvörun milli þess hvernig unnið er með söguleg gögn og núverandi gögn,
- lýsing á samsvörun milli sögulegra gagna og núverandi gagna.

⁽¹⁾ Stjtið. ESB L 87, 31.3.2009, bls. 164.

4. Aðgengileiki og skýrleiki

- 4.1. Lýsing á stefnu fyrir dreifingu gagna sem ríki samþykkir.
- 4.2. Lýsing á lýsigögnum/aðferðafræði sem notendur fá í hendur.

5. Mikilvægi

- 5.1. Lýsing á því hvernig tölfraðilegar upplýsingar mæta þörfum núverandi og væntanlegra notenda.

C. TÍMAÁÆTLUN FYRIR GERÐ GÆÐASKÝRSLNANNA

Gæðaskýrslurnar um viðhengið um hreinar félagslegar bætur eru árlegar.

Senda skal framkvæmdastjórninni (Hagstofu Evrópusambandsins) skýrsluna fyrir árið N eigi síðar en 31. janúar á ári N + 3.

D. TÆKNILEGT SNIÐ FYRIR SENDINGU GÆÐASKÝRSLNANNA

Upplýsingar varðandi gæði gagnanna sem senda skal samkvæmt sniðinu sem framkvæmdastjórnin (Hagstofa Evrópusambandsins) lætur í té.
